



Na osnovu Odluke broj 06-16-3-168-1/24 od 27. marta 2024. godine, Državna regulatorna komisija za električnu energiju (DERK) raspisuje

JAVNI OGLAS

o prodaji vozila putem javne prodaje-licitacije metodom prikupljanja zatvorenih pismenih ponuda

1. Predmet prodaje

Predmet prodaje je putničko vozilo "VW Tiguan 2.0 TDI" putem javne prodaje-licitacije metodom prikupljanja zatvorenih pisanih ponuda.

Karakteristike i podaci o vozilu:

broj šasije: VWGZZZ5NZKW882451, broj motora: DFGB19710, motor: dizelski, radna zapremina motora 1968 ccm³, najveća snaga 110 kW, mjenjač: automatski, godina proizvodnje: 2019., prva registracija 19. april 2019., broj vrata: 5, mjesta za sjednje 5, pređena kilometraža: 159.400 km.

Vozilo je u voznom stanju i servisirano je u ovlaštenim servisima. Svi servisi i popravke su evidentirani u elektronskoj servisnoj knjižici. Vozilo je bilo registrovano do 18. marta 2024. godine, od kada je stavljeno van upotrebe radi prodaje.

Uz vozilo se prodaje pripadajuća oprema: četiri zimske gume Continental 215/65R17 TS850P 99H (montirane na vozilo), četiri ljetne gume Continental 215/65R17 99H ECO-6, rezervni točak u punom profilu, protivpožarni aparat i lanci za snijeg

Prodaja se vrši po načelu „viđeno-kupljeno“, bez naknadnih prigovora i žalbi koje se odnose na predmetnu prodaju.

2. Kriteriji vrednovanja ponuda

Početna cijena vozila koje je predmet prodaje po ovom javnom oglasu iznosi 45.000,00 KM.

Ponude ispod početne cijene neće biti uzete u razmatranje.

Vozilo koje je predmet javnog oglasa prodaje se ponuđaču koji dostavi najveću cijenu za vozilo. Licitacija će biti punovažna i u slučaju da ponudu dostavi samo jedan prihvatljivi ponuđač.

3. Pravo učešća

Pravo učešća na licitaciji imaju fizička i pravna lica koja uplate depozit u vrijednosti od 4.000,00 KM. Jedan ponuđač može dostaviti samo jednu ponudu.

Depozit se može uplatiti: najkasnije 2 dana prije licitacije na slijedeće račune DERK-a broj: 1610250013280026 ili 1321002011522764, kao i na dan licitacije na blagajni DERK-a u vremenu od 8,30 do 9,30 časova.

Pravo učešća u postupku licitacije nemaju zaposlenici DERK-a.

4. Pregled vozila

Vozilo se može pogledati u Tuzli, na parkingu DERK-a na adresi Đorđa Mihajlovića broj 4, dana 1. aprila 2024. godine u periodu od 10,00 do 12,00 časova.

Kontakt telefon: 035/30 20 70.

5. Dostava ponuda

Ponude uz dokaz o izvršenoj uplati depozita treba obavezno dostaviti u zatvorenoj koverti, na kojoj treba napisati "Ponuda za prodaju vozila - NE OTVARAJ".

Ponude se mogu dostaviti putem pošte ili lično na protokol DERK-a (kancelarija broj 1.) do 3. aprila 2024. godine do 10,00 časova na adresu: Državna regulatorna komisija za električnu energiju, Đorđa Mihajlovića broj 4/II.

Sve ponude koje pristignu poslije naznačenog roka, neće se uzeti u razmatranje, bez obzira kada su poslate.

Javno otvaranje ponuda uz prisustvo zainteresiranih ponuđača održat će se u sjedištu DERK-a u Tuzli dana 3. aprila 2024. godine u 10,01 časova.

Otvaranju ponuda mogu prisustvovati fizičke osobe lično ili po punomoćniku, te osoba koja je ovlaštena da zastupa pravno lice ili punomoćnik za učešće u postupku licitacije.

6. Sadržaj ponude

Ponuda mora da sadrži:

- a) Podaci o ponuđaču (fizičke osobe: ime i prezime, broj identifikacionog dokumenta; pravne osobe: naziv, sjedište i ID broj pravne osobe)
- b) iznos ponude upisan brojem i riječima isključivo u konvertibilnim markama
- c) dokaz o uplati depozita

Prihvatljivom ponudom se smatra svaka ponuda koja sadrži podatke iz tačke 6. pod a), b) i c), i čiji je iznos ponude jednak ili veći od početne cijene vozila.

Ukoliko postoji razlika između iznosa izraženog u brojevima i riječima - prednost ima iznos izražen riječima.

Ponuda mora biti potpisana od strane podnosioca ponude, a ukoliko je ponuđač pravna osoba ponuda mora biti i ovjerena pečatom pravne osobe.

Ponuđač koji ponudu dostavi putem pošte ili uplati depozit na račun DERK-a treba u ponudi navesti adresu i kontakt broj telefona, te broj računa za povrat sredstava.

Ponude se mogu dostaviti na obrascu koji je priložen uz ovaj javni oglas (objavljen na web stranici DERK-a).

7. Postupak licitacije

Predsjednik Komisije otvara prispjele ponude, čiji se sadržaj unosi u listu ponuđača koja sadrži: naziv ponuđača, redni broj, ponuđeni iznos i prihvatljivost ponude.

Ponude koje ne ispunjavaju uslove prihvatljivosti neće se razmatrati u daljem postupku.

Komisija nakon razmatranja liste ponuđača utvrđuje najpovoljniju ponudu, o čemu usmeno obaviještava prisutne ponuđače i predsjednik Komisije proglašava pobjednika licitacije.

U slučaju da se prijave dva ili više ponuđača sa prihvatljivom ponudom i istom cijenom, predsjednik Komisije će za pobjednika proglasiti onog ponuđača koji je ranije dostavio ponudu po datumu i vremenu prijemnog pečata sa Protokola DERK-a.

Nakon proglašenja pobjednika za vozilo koje je predmet prodaje, Komisija sastavlja rang listu prihvatljivih ponuda sa jasno naznačenim pobjednikom licitacije, Rang lista će biti objavljena na službenoj web stranici DERK-a.

8. Obaveze kupca

Ponuđač čija ponuda bude prihvaćena, odnosno kupac, je dužan pristupiti zaključenju ugovora u roku od pet dana od dana proglašenja pobjednika licitacije.

Kupac je dužan, na račun DERK-a, uplatiti razliku između položenog depozita i prodajne cijene u roku od osam dana od dana proglašenja pobjednika licitacije,.

Sve poreze i troškove oko prijenosa vlasništva kao i troškove transporta, registracije, osiguranja i sl. snosi kupac.

Ako kupac odustane od kupovine, odnosno ne pristupi sklapanju ugovora, uplaćeni iznos depozita od 4.000,00 KM mu neće biti vraćen, a DERK će sklopiti ugovor sa slijedećim ponuđačem sa rang liste.

9. Dodatne informacije

Učesnicima u licitaciji, čije ponude ne budu prihvaćene, uplaćeni iznos depozita će biti vraćen na isti račun sa kojeg je uplaćen, najkasnije dva radna dana nakon otvaranja ponuda. Odmah nakon zaključenja postupka javne licitacije, na blagajni DERK-a se vraćaju depoziti koji su taj dan uplaćeni gotovinski.

Pobjedniku licitacije depozit će biti vraćen po realizaciji kupoprodajnog ugovora.

DERK nije u sistemu PDV

Broj: 06-16-3-168-2/24

Tuzla, 27. 3. 2024.

OBRAZAC ZA PONUDU¹

PONUDA ZA:

KUPOVINU PUTNIČKOG VOZILA PUTEM LICITACIJE

VW Tiguan 2.0 TDI (broj šasije VWGZZZ5NZKW882451)

(Naziv pravne osobe ili ime i prezime fizičkog lica) **OBAVEZNO** popuniti

(Adresa)

(Broj telefona)

(ID broj pravne osobe ili lične karte fizičkog lica) **OBAVEZNO** popuniti

(broj računa za povrat sredstava ukoliko je depozit uplaćen na račun DERK-a)

Iznos ponude: _____ KM. (**OBAVEZNO** popuniti)

Iznos ponude (slovima): _____ KM (**OBAVEZNO** popuniti)

Datum, ____ . aprila 2024. godine

M.P. _____

¹ Uz ponudu obavezno dostaviti:
- dokaz o izvršenoj uplati depozita